

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 119. sjednici, održanoj dana 24.11.2017. godine, d o n o s i :

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Prijedlogu Stručne službe Općinskog vijeća Zavidovići, broj: 01-05-3570/17-AP-3, od 14.11.2017. godine, vezanih za dio Prijedloga za izradu Programa rada Skupštine Zeničko-dobojskog kantona za 2018. godinu, dostavljen od strane Udruženja branilaca Općine Zavidovići 1992-1995, broj: 98/17., od 27.10.2017. godine, iz resorne nadležnosti ovog organa kantonalne uprave, a koje se prilaže uz ovaj zaključak i smatra njegovim sastavnim dijelom.

II.

Zaključak stupa na snagu danom donošenja.

Broj: 02-_____/17.

Datum, 24.11.2017. godine

Z e n i c a

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,

1x Stručna služba Skupštine,

1x a/a.

U vezi sa aktom Stručne službe Općinskog vijeća Zavidovići, broj: 01-05-3570/17-AP-3, od 14.11.2017. godine, vezanih za dio Prijedloga za izradu Programa rada Skupštine Zeničko-dobojskog kantona za 2018. godinu, dostavljen od strane Udruženja branilaca Općine Zavidovići 1992-1995, broj: 98/17., od 27.10.2017. godine, vezanih za uvođenje plaćanja prijevoza učenika srednjih škola iz boračkih populacija, kao i potrebu da se putem Kantona i općina izrade mjere za osobe sa invaliditetom uz potrebu osiguranja davanja prednosti prilikom zapošljavanja pripadnicima boračkih populacija u javnim institucijama, resorno ministarstvo daje sljedeće:

MIŠLJENJE

Razmatrajući podneseni prijedlog-inicijativu dostavljenu od strane Udruženja branilaca Općine Zavidovići 1992-1995, broj: 98/17., od 27.10.2017. godine, naglašavamo da je resorno ministarstvo razmotrilo sva prateća obrazloženja prijedloga-zahtjeva navedenog boračkog udruženja, te zauzelo stajalište da su ova pitanja, u postojećoj obrazovnoj regulativi, rješena u skladu sa važećim zakonskim rješenjima-propisima, uključujući i novi **Zakon o srednjoj školi**, („Službene novine Zeničko-dobojskog kantona“, broj: 9/17). Pri tome podsjećamo da je prethodno, od strane Skupštine Kantona, također razmatrana i Inicijativa za uvođenjem obaveznog srednjeg obrazovanja kojom bi se, između ostaloga, uvela i obaveza besplatnog prijevoza učenika srednjih škola, koja međutim nije prihvaćena upravo iz razloga znatnog povećanja troškova. Tim prije što srednje škole nemaju tzv. „područne škole ili područna odjeljenja“, tako da bi uz iznos koji se trenutno izdvaja za prijevoz učenika u osnovnom obrazovanju, koji stanuju na udaljenosti od (5) ili više Km, u jednom pravcu (cca. 5.000.000, KM na godišnjem nivou), uvođenje besplatnog prijevoza učenika srednjih škola predstavljalo znatno povećanje budžetskih sredstava po ovom osnovu, iako ponavljamo i ne postoji pravni osnov u smislu obaveznog srednjeg obrazovanja. Također želimo posebno naglasiti i činjenicu da je Vlada Kantona, upravo zbog nemogućnosti pojedinih općina, (pa i Općine Zavidovići nakon posljednjih poplava), da adekvatno uredi saobraćajnice na lokalnom nivou, odnosno trotoare i sigurne prijelaze, u posebnoj proceduri i posebnim zaključcima, (zbog procjene objektivne saobraćajne ugroženosti djece-učenika), odobravalala i dodatne prijevoze za učenike osnovnih škola koji stanuju na manjoj udaljenosti od mjesta stanovanja do škole. Pored toga podsjećamo i na činjenicu da se od strane pojedinih općina, a posebno resornog ministarstva za boračka pitanja, kao i Ministarstva za rad, socijalnu politiku i izbjeglice ZDK-a, svim društveno ranjivim kategorijama, u skladu sa posebnim propisima, pojedinačno odobravaju posebna sredstva-naknade, uključujući i naknade po osnovu finansiranja troškova prijevoza učenika srednjih škola, tako da smo stajališta da nisu osnovani dijelovi obrazloženja podnesenog prijedloga u pogledu tvrdnje da se zbog nemogućnosti plaćanja mjesečne karte ne završava srednje obrazovanje, upravo zbog činjenice da je iz istog Budžeta Kantona, osigurana mogućnost isplate naknade po ovom osnovu.

Što se tiče dijela prijedloga vezanih za potrebu da se putem Kantona i općina izrade mjere za osobe sa invaliditetom uz potrebu osiguranja davanja prednosti prilikom zapošljavanja pripadnicima boračkih populacija u javnim institucijama, želimo naglasiti činjenicu da svi započeti reformski procesi u obrazovanju, (u skladu sa odredbama Okvirnog zakona kao i usvojenim strategijama), već obuhvataju ciljne mjere i aktivnosti na općoj obrazovnoj inkluziji osoba sa invaliditetom. S tim u vezi napominjemo da je i u proteklom periodu realizovano više aktivnosti u našim osnovnim i srednjim školama, te da se od strane ovog organa kantonalne uprave kao i Vlade Kantona, (kao predstavnika osnivača osnovnih i srednjih škola kao javnih obrazovnih ustanova u državnoj svojini), zajedno sa općinama, te NVO sektorom, kao i po osnovu udruživanja sredstava sa UNDP BiH, planiraju i realizuju različiti projekti u našim školama koji očekivano treba da rezultiraju i većim senzibilitetom društva prema invalidnim osobama. Kada je riječ o osiguranju davanja prednosti prilikom zapošljavanja pripadnicima boračkih populacija u javnim institucijama, napominjemo da se od školske

2007. - 2008. godine, u svim javnim osnovnim i srednjim školama na području Kantona, uspješno primjenjuju **Kriteriji o načinu bodovanja kandidata**, koji detaljno i u skladu sa odredbama važećeg Zakona o dopunskim pravima boraca i članova njihovih porodica, osiguravaju dosljednu primjenu ostvarivanja pripadajućih dodatnih bodova, (pod jednakim uvjetima), braniteljskim populacijama iz člana 15., navedenog zakona, a koje kontroliše obrazovna inspekcija uz punu saglasnost i koordinaciju sa obrazovnim sindikatima.

Stoga su, prema stajalištu ovog organa uprave, sva naprijed navedena postupanja u skladu sa kako očekivanim efektima, tako i datim obrazloženjima podnosilaca prijedloga, zbog čega i želimo naglasiti činjenicu da su dijelovi prijedloga udruženja, u okvirima postojećih društveno-ekonomskih prilika na području Kantona, većim dijelom realizovani, odnosno implementirani u već dostavljene prijedloge ovog organa kantonalne uprave za Program rada Vlade, odnosno Skupštine Zeničko-dobojskog kantona za 2018. godinu.

S poštovanjem,

MINISTAR
Mensur Sinanović

Dostavljeno:
1x Stručna služba Vlade
2x a/a-01/02.
#